



დღეს მარიამობაა ღვთისმშობლის მადლმოსილი წყალობა არ მოგკლებოდეთ



ყოველდღე მადლმოსილი ღვთისმშობელი, იესო ქრისტეს ამადლების შემდეგ, იერუსალიმში ცხოვრობდა, იოანე ღვთისმეტყველის სახლში. უბიწო ქალწული მოციქულებთან ერთად ღოცულობდა, უყვებოდა მათ ძე ღვთისას შესახებ, ნუგეშს სცემდა და განამტკიცებდა. ყველანი საოცარ მოწიწებას გრძნობდნენ დაუტყვევლის დამტყვეველი ღვთის მიმართ. სხვა ქვეყნიდანაც მოდიოდნენ მისი სანახავად და მისი მადლმოსილი სიტყვების მოსასმენად.

როცა პეროდე მეფემ ქრისტიანთა დევნა დაიწყო, 43 წელს, ყოველდღე მადლმოსილი მარიამა იოანე ღვთისმეტყველთან ერთად ეფესოს მიაშურა, იყო კვიპროსზეც - მკვდრებით აღმდგარ ღაზარესთან, ქრისტიანობა იქადაგა ათონის წმიდა მიწაზე. ბოლოს კი, ღვთის ნებით, კვლავ იერუსალიმს დაუბრუნდა. ის ხშირად ევედრებოდა უფალს, მალე მიეღო მისი სული სასუფეველში. და აი, ერთხელ, როცა მარიამი მაცხოვრის აკლამაში ღოცულობდა, ცა გაიხსნა, გარდამოხდა გაბრიელ მთაწარანგელოზი ხელში ზეთისხილის რტოთი და უბიწო ქალწულს ახარა: „გიხაროდენ, მარიამ, რომელმან შშვენ ღმერთი ჩუ ზნი, ღოცვა შენი აღვიდა წინაშე ძისა შენისა და შეწირულ იქმნა, ამიერიდან დაუტყვევებ სოფელსა, ნეტარო, და ზეცასა აღხვად!“ ღვთისმშობელი დიდად გაახარა ამ უწყებამ და მიცვალებისათვის მზადება დაიწყო.

მოციქულები ამ დროისათვის იერუსალიმში არ იყვნენ - სხვადასხვა ქვეყანაში ქადაგებდნენ, მაგრამ მარიამს ძალიან სურდა, ამსოფლიდან განსვლამდე ყველანი ერთად ეხილა. უფალმა ეს სურვილიც აუსრულა ნეტარს: მეყვებოდა შემოპკრება მასთან მაცხოვრის ყველა მოწაფე. ხუთი მათგანი მკვდრებით აღმდგარიყო. მოციქულები მიესალმნენ მას და მოუთხრეს, თუ როგორ იქნენ აღტაცებულნი მოღვაწეობის ადგილებიდან. გახარებულმა უბიწო ქალწულმა მადლობა შესწირა ღმერთს, შემდეგ კი თავის მიცვალებულზე დაიწყო საუბარი.

სწორედ ამ დროს ასევე სასწაულებრივ წარდგა მათ წინაშე პავლე მოციქულიც თავისი მოწაფეების: დიონისე არეოპაგელის, საკვირველი იეროთეოსის, ღვთაებრივი ტიმოთეს და სხვა სამოცდაათათაგანთა თანხლებით. მარიამი სახელებით უხმობდა ყველას, ქებას ასხამდა მათ სარწმუნოებას და აკურთხებდა. შემდეგ წმიდა დედა იაკობ მღვდელმთავრის ხელით ქრისტეს სისხლსა და ხორცს ეხიარა. მესამე უამს - ღვთისმშობლის ამსოფლიდან გასვლისას, საოცარი ნათლით გაბრწყინდა ის ოთახი, რომელშიც იგი იწვა, „იქმნა დიდებით განსაკრვებელი მოსლვა ქრისტეს ღვთისა და ძისა მისისა დიდებითა მით გამოუთქმელითა“. მან წმიდა და ყოველდღე უბიწო სული მშობლისა თვისისა „სადმრთოთა მათ და უხრწნელთა მკლავთა თვსთა ზედა მიირქუა“ და ანგელოზთა გალობის თანხლებით აამაღლა ზეცად.

ადგილობრივი თვითმმართველობის არჩევნები 21 ოქტომბერს გაიმართება

პრეზიდენტმა გიორგი მარგველაშვილმა არჩევნების თარიღი გამოაცხადა. არჩევნების დანიშვნის შესახებ ოფიციალური აქტი არჩევნებამდე 60 დღით ადრე გამოიცემა, რის შემდეგაც საარჩევნო კამპანია ოფიციალურად დაიწყება.

არჩევნების თარიღის დანიშვნას პრემიერ-მინისტრის კონტრასიგნაცია სჭირდება. შესაბამისი აქტი პრემიერთან უკვე გადაგზავნილია.

„საზოგადოება და პოლიტიკური ძალები თარიღის თაობაზე ინფორმირებული ორი



თვით ადრე იყვნენ, ახლა ეს კონკრეტული დოკუმენტია, რომელიც გამოიცა და გადაგზავნილია კონტრასიგნაციისთვის“, - აღნიშნა მარგველაშვილმა.

ხაშურის მუნიციპალიტეტის საკრებულო განკარგულება №75

2017 წლის 17 აგვისტო, ხაშური

ყურძნის რეალიზაციის ხელშეწყობის მიზნით (დროებითი განთავსებისათვის) ადგილების განსაზღვრის შესახებ

საქართველოს მთავრობის 2017 წლის 27 ივლისის „2017 წლის რთველის ხელშეწყობის ღონისძიებების შესახებ“ №1588 განკარგულების და 2017 წლის 9 აგვისტოს ღვინის ეროვნული სააგენტოდან შემოსული 03/515 წერილის საფუძველზე, ხაშურის მუნიციპალიტეტი, თვითმმართველის ქალაქების მსგავსად, განსაზღვრავს ყურძნის რეალიზაციის ხელშეწყობის მიზნით ადგილებს, საიდანაც განხორციელდება ვაჭრობა, რათა დაცული იქნეს ხაშურის მუნიციპალიტეტის ტერიტორიაზე სანიტარულ-ჰიგიენური მოთხოვნები, მოძრაობის უსაფრთხოება და ხაშურის იერსახე.

„ადგილობრივი თვითმმართველობის კოდექსის“ საქართველოს ორგანული კანონის 61-ე მუხლის 1-ლი და მე-2 პუნქტების, საქართველოს მთავრობის 2017 წლის 27 ივლისის „2017 წლის რთველის ხელშეწყობის ღონისძიებების შესახებ“ №1588 განკარგულების შესაბამისად ხაშურის მუნიციპალიტეტის საკრებულო ადგენს:

1. 2017 წლის 1 სექტემბრიდან 2017 წლის 1 დეკემბრამდე ყურძნის რეალიზაციის მიზნით (დროებითი განთავსებისათვის) განსაზღვროს შემდეგი ადგილები:

- ა) რკინიგზის კულტურის სახლის მიმდებარე ტერიტორია;
- ბ) რკინიგზის სადგურის მიმდებარე ტერიტორია;
- გ) ხაშურის „ივრია“-ს სტადიონის მიმდებარე ტერიტორია;
- დ) იმერეთის ქუჩა (ბაზრის მიმდებარე ტერიტორია);
- ე) ბორჯომის ქუჩა (ხაშური-ვალუ-ახალციხის საავტომობილო გზის გასწვრივ, მარჯვენა მხარეს 1 კმ-ზე);
- ვ) ბორჯომის ქუჩა (საფეიქრო-საგაღანტერო ფაბრიკის ბინების მიმდებარე ტერიტორია);
- ზ) ყოფილი აგურის ქარხნის დასახლების მიმდებარე ტერიტორია;
- თ) შუშის ქარხნის დასახლების მიმდებარე ტერიტორია;
- ი) იური გაგარინის ქუჩაზე მდებარე მრავალსართულიანი ბინების მიმდებარე ტერიტორიაზე.

2. განკარგულება შესასრულებლად გაეგზავნოს ხაშურის მუნიციპალიტეტის გამგეობას;

3. განკარგულება ძალაში შედის ხელმოწერისთანავე;

4. განკარგულება შეიძლება გასაჩივრდეს, დაინტერესებული პირის მიერ, გაცნობიდან ერთი თვის ვადაში, ხაშურის რაიონულ სასამართლოში (მისამართი: ხაშური მერაბ კოსტავას ქ. №15).

საკრებულოს თავმჯდომარე

ვაჟა შუბითიძე

თვითმმართველი თემის - ხაშურის მუნიციპალიტეტის ადგილობრივი მაჟორიტარული საარჩევნო ოლქები და საარჩევნო უბნები					
№	ადგილობრივი მაჟორიტარული საარჩევნო ოლქის დასახელება	მაჟორიტარულ საარჩევნო ოლქის საზღვრები	მაჟორიტარულ საარჩევნო ოლქში შემავალი უბნების დასახელება	უბნების რაოდენობა	ამომრჩეველთა რაოდენობა მაჟ. ოლქების მიხედვით
35.01.01	ხაშურის ქალაქის	ხაშური	#2, 3, 4, 5, 44 საარჩევნო უბანი	5	5972
35.01.02	ხაშურის ქალაქის	ხაშური	#1, 6, 10, 14, 43 საარჩევნო უბანი	5	5850
35.01.03	ხაშურის ქალაქის	ხაშური	#7, 8, 9, 11, 45, 46 საარჩევნო უბანი	6	6509
35.01.04	ხაშურის ქალაქის	ხაშური	#12, 13, 42, 49, 50 საარჩევნო უბანი	5	5879
35/02	სურამის დაბის	დაბა სურამის სადაბო	#16, 17, 18, 19, 20, 21, 47 სურამის საარჩევნო	8	8553
		ცენტრი, ბიჯნისი,	უბანი		
		ზეკოტა, ურთხვა, პატარა	#22 ბეკამის საარჩევნო უბანი		
		ბეკამი, დიდი ბეკამი, ჩუმათელეთი			
35/03	ალის თემის	ალი, ბრილი, ნაბახტევი, დუმაცხოვი, ცხეთიჯვარი, ქინძათი, კლდისწყარო, ზ.აძვისი, ახალუბანი, უწლევი	#23 ალის საარჩევნო უბანი #24 ბრილის საარჩევნო უბანი #25 ნაბახტევის საარჩევნო უბანი #51 ქინძათის საარჩევნო უბანი	4	2600
35/04	გომის თემის	გომი, აგარები, სატივე,	#26 გომის საარჩევნო უბანი	3	2734
		ვაყა, ქვემო აძვისი,	#27 სატივეს საარჩევნო უბანი		
		ხიდისყური	#28 ვაყას საარჩევნო უბანი		
35/05	ოსიაურის თემის	ზემო ოსიაური, ახალსოფელი, ქვემო ოსიაური, ნარუჯები, დანძილები, ღუდა	#29, 48 ოსიაურის საარჩევნო უბანი	2	1767
35/06	ფლევის თემის	დიდი ფლევი, პატარა ფლევი, ნაცარგორა, ტკოცა	#30 ფლევის საარჩევნო უბანი #31 ტკოცის საარჩევნო უბანი	2	1272
35/07	ქვიშხეთის თემის	ქვიშხეთი, ბელეთი,	#32 ტაშისკრის საარჩევნო უბანი #33 ქვიშხეთის საარჩევნო უბანი #34 ტეზერის საარჩევნო უბანი	3	3471
		ბულბულის ციხე,			
		მონასტერი, რუსიანთ უბანი, სავანის უბანი, სათივე,			
		სარმანიშვილის კარი, ტაშისკარი, ტეზერი, ყიფიანთ უბანი			
35/08	ცოცხნარის თემის	ცოცხნარა, ქემფერი, ოძისი, ცივწყარო, ცედანი, წაბლოვანა	#35 ცოცხნარის საარჩევნო უბანი	1	820
35/09	ცხრამუხის თემის	ცხრამუხა, თაგვეთი,	#36 ცხრამუხის საარჩევნო უბანი #52 ცხრამუხის საარჩევნო უბანი	2	1631
		რბონა, ქაშუეთი, კოდიწყარო, ჯვართმუხა, დამჩხეულა			
35/10	წაღვლის თემის	წაღვლი, ზემო ბროლოსანი,	#37 წაღვლის საარჩევნო უბანი #38 ბროლოსანის საარჩევნო უბანი	2	1039
		კლდისწყარო, ტიტვინისწყარო, ქვემო			
		ბროლოსანი, ყოზი, ჩორჩანა, წედვერი			
		წრომი, ახალშენი, დიდი			
35/11	წრომის თემის	ყელეთი, პატარა	#39 წრომის საარჩევნო უბანი #40 ყელეთის საარჩევნო უბანი	2	517
		ყელეთი, ნადარბაზევი, დიდი ხალვეთი, პატარა			
		ხალვეთი, იმერლიან კარი			
35/12	ხალეების თემის	დიდი ხალეები, პატარა ხალეები, მღვრიე წყალი, სარტყელა, ღართა, ალექსანდრეს წყარო	#41 ხალეების საარჩევნო უბანი	1	114
35/13	ხცისის თემის	ხცისი, დიდი თხილნარა, კრისხევი, მიწობი, პატარა თხილნარა	#15 ხცისის საარჩევნო უბანი	1	698
				52	49426

საქანისუბნის მაცვალთა შეიძლება ევროპაშიც შეაღწიოს

ქალბატონი ნანა სავანისუბნის რძალია, თბილისში ცხოვრობს, თავისი საქმე აქვს, თუმცა, სოფლის სიყვარული, ჯერ კიდევ ბავშვობიდან მოსდევს. ქმრისეული სოფელიც მშობლიურ გურიას მიახლოებას, შეიყვარა და გადაწყვიტა, სოფლის მეურნეობაშიც ეცადა ბედი. არჩევანი უეკლო მაცვალზე გააკეთა, ბაზარიც შეისწავლა, კულტურასთან ურთიერთობაც და 0,70 ჰა-ზე ბაღიც გააშენა. ადვილი რომ არ იყო, თავიდანვე იცოდა, არ შეუშინდა და დღეს უკვე სიამოვნებით გაყურებს ერთწლიან ბაღს, რომელმაც შრომა წელსვე დაუფასა და გიშრისფერი, დამტკბარი ნაყოფიც შესთავაზა მადლიერების ნიშნად. მანამდე კი ბევრი შრომა, დიდი მონღობა და ძალისხმევა იყო, რაზეც თავად ქალბატონი ნანა შარაშიც ისაუბრებს, რომელიც ერთგვარი მაგალითიცაა ქალბატონებისთვის, როგორ შეიძლება ქალმა დაიწყო და აკეთოს საქმე:

—ამ სოფელთან მკაცრად მუშაობს მეუღლე და შვილები. როდესაც ჩემმა მეუღლემ თავისი ოჯახის გასაცნობად წამომიყვანა, ძალიან მივაგვანე ჩემს ჩოხატაურს.



გადაწყვიტე, რომ ჩემი კუთხე მომეწო აქ. ეს დაახლოებით 1995 წელია, როდესაც ყველაფერი დანგრეულია ქვეყანაში. თავიდან მხოლოდ ერთი კაკალი იდგა, შემდეგ წყალი გავიყვანეთ და ასე, თანდათანობით დაჯობრუნეთ სიცოცხლე და მოვედით აქამდე. და რადგან ამ ადგილას მხოლოდ მცირე კულტურებია გავრცელებული, სიმინდი და ლობიო, მოსახლეობა ამ კულტურების მოყვანითაა დაკავებული. მითუმეტეს, რომ სოფლის მეურნეობის სამინისტროსგან არსებობს კეთილი ნება და დიდი სურვილი, რომ ძველი ჩანაცვლდეს ისეთი კულტურებით, რისი პერსპექტივაც ნიადაგს აქვს. როდესაც გადაწყვიტე, რომ სოფლის მეურნეობით სერიოზულად დავინტერესებულიყავი, თავდაპირველად, ნიადაგის ანალიზი გავაკეთე, რომ შემდეგ შესაბამისი კულტურის ათვისება შემიძლებოდა.

- თავდაპირველად რითი დაიწყეთ? აქ მაცვლის გარდა სხვა კულტურებსაც ვხედავ...

—ხეხილის გახარებით დავიწყეთ. ქართულ ოჯახში ღვინის დაყენება ტრადიციულია, კახეთიდან შემოვიტანე “კაბერნე” და “საფერაგი”, რომლებიც არაჩვეულებრივად მოერგო ჩვენს ნიადაგს და კლიმატს. ამ ყველაფერს დიდი შრომა უდევს წინ. როცა სატრანსპორტო მიმოსვლა შეზღუდული იყო, მატარებელს დავეყვებოდი თბილისიდან, რომ მიმეხედა ყველაფრისთვის. არც წყალი იყო, რაც გვირთულებდა შრომას.

- ორი პროფსია გაქვთ, გაქვთ არასამთავრობო ორგანიზაცია, რატომ დაინტერესდით სოფლის მეურნეობით, როდესაც ეს უკანასკნელი თქვენგან დიდ დროს და ენერჯიას მოითხოვს?

—ძალიან მიყვარს მიწა, იგი იძლევა უდიდეს ენერჯიას. როგორც გითხარით, გურიაში გავიზარდე, სადაც ბავშვობიდან ვიყავით ჩართული სოფლის მეურნეობაში, რამაც გარკვეული გამოცდილება მომცა და ამ საქმის სიყვარულიც. გაგიკვირდებათ და ვაზთან ურთიერთობაც კარგად ვიცი, მოვლის ყველა პროცედურა, გასხვლიდან დაწყებული, ბოლო ეტაპამდე. ნელ-ნელა შევიძინეთ ნაკვეთები, რომელიც მთლიანობაში 70 მეტრად იყო. მეზობელსაც ვთხოვდი, კოოპერატივი გაგვეკეთებინა და ვერ დავინტერესებულვარ, რადგან აქ ტრადიციულ მეურნეობას მისდევენ, რომელიც ნაკლებად ამართლებს ახლა.

- რატომ მაცვალნი?

—უამრავი ინფორმაციაა დღეს გავრცელებული და ხელმისაწვდომი ინტერნეტით. მეც ერთხელ ტელევიზიით ვნახე თენგიზ კალანდაძის გადაცემა, რომელიც სოფლის მეურნეობის სამინისტროს სურსათის დეპარტამენტის ხელმძღვანელია. ისეთი დამაჯერებლობით ისაუბრებდა კენკრის უპირატესობებზე, თვისებებზე, მოთხოვნილებაზე ევროპის

ბაზარზე და იმ ნიშანზე, რაც შეიძლება საქართველომ დაიკავოს ამ კულტურით, რომ იმ სადამოსვე გადაწყვეტიტე არჩევანი კენკრის ამ სახეობაზე გამეკეთებინა. მან ამ გადაცემაშივე გაგვაცნო გურჯაანელი ქალბატონი, იხოლდა ქიტესაშვილი, რომელიც დღეს 40 ტონა მაცვალს აწარმოებს. არსებობს ექსტენციის ცენტრები, რომლებიც არის საინფორმაციო დატვირთვის, ერთ-ერთი ცენტრი კაჭრეთშია. ეს ქალბატონი ამ შეხვედრაზე, ქმრის ნაცვლად წავიდა, მისცეს უოლოს და მაცვლის ნერგები. გაიხარა მაცვალმა. იგი მესაუბრა, თუ როგორ მოიყვანა მაცვლის გარკვეული რაოდენობა, გაიტანა ბაზარზე და მოთხოვნილების შემდეგ, გადაწყვიტა გაეზარდა მასშტაბები და ამ საქმით სერიოზულად დაინტერესებულიყო. მოვიხილეთ ეს ქალბატონი, ჩავაკითხე გურჯაანში, ვიყიდე 15 ნერგი, საიდანაც 5 გავაჩუქე და 10 მე დავრგე. შარშანვე მომცა ნაყოფი, რომელიც ძალიან ტკბილი იყო. როდესაც ქალბატონი იხოლდას ვესაუბრე, მან დეტალურად ამიხსნა მთელი პროცესები. თუმცა, შიშის მომენტი მაინცაა. პარალელურად, სახლის მშენებლობაც დავიწყეთ გასულ წელს და წყალი სისტემატურად მიეწოდებოდა. აღმოჩნდა, რომ წყლის და ნესტის მოყვარულია, ამ დაკვირვებამაც მომცა გარკვეული ინფორმაცია. მეც მომეცა სტიმული. შაქრიანიობა კახეთში 12 %-ზე იყო ასული, როდესაც სერბეთში 7%-ზე აღის, სერბეთი არის დღეს ევროპის ბაზრის პირველი მიმწოდებელი, რომელმაც მაცვლის ექსპორტით ომის შემდეგ დაძლია ფინანსური კრიზისი. შეიმუშავეს ასეთი გეგმა, გააკეთეს პავილიონები, სადაც ხდებოდა მაცვლის მიღება-ჩაბარება, მოსახლეობას პატარა ვედროებითაც კი მიჰქონდა და აბარებდა მაცვალს. დღეს ქართულ მაცვალს შესწევს უნარი, თავისი ადგილი დაიმკვიდროს ნებისმიერი წამყვანი ქვეყნის ბაზარზე, რადგან მიწა და წყალი აძლევს უნიკალურ გემოვნურ თვისებებს.

- რომელიმე სახელმწიფო პროგრამით თუ ისარგებლეთ?

—იმდენად მოტივირებული ვიყავი, მიუხედავად იმისა, რომ ტრავმა მივიღე ფეხზე, ეტლით ჩამოვდიოდი თბილისიდან, რომ მიმეხედა. მივწერე სოფლის მეურნეობის სამინისტროს პროექტების მართვის სამსახურს, რომელიც ახორციელებს პროგრამებს “აწარმოე საქართველოში”, “დანერგე მომავალი”, “აგროწარმოების ხელშეწყობის პროგრამა”, მაგრამ არც ერთ პროგრამაში არ იყო ჩასმული კენკრა. ვწერდი, რომ ის სიკეთები, რომელიც ამ პროგრამას უნდა მოეტანა მოსახლეობისთვის, ჩვენი მუნიციპალიტეტისთვის იყო მიუწვდომელი, რადგან მოთხოვნის თანახმად, ბენეფიციარს უნდა ჰქონოდა 1 ჰა მიწა, რაც ჩვენთვის შეუძლებელი იყო, რადგან მცირე რაოდენობითაა მიწები დანაწილებული სხვადასხვა ადგილას. მართლაც, დაიწყო ამ მანქანებელმა. ამის შემდეგ უკვე დავიწყე ნაკვეთის შემოღობვა, მობილიზება გავუკეთეთ თანხას, დავხანით, მოვამზადეთ დასარგავად. ამის შემდეგ შესაძენია ნერგები, წვეთოვანი სისტემა. ავიღეთ საბანკო ვალები. ქალბატონი იხოლდასგან ჩამოვიტანეთ, ორი ჯიშის მაცვალი, ჩესტერი და სამმაგი გვირგვინით (dif graun). ძალიან დიდი მხარდაჭერა მქონდა კენკროვანთა ასოციაციისგან, დამამედეს, რომ გასაღებაზე პრობლემა არ შემიქმნებოდა, ეს არი უკონკურენციო, უეკლო ბიზნესი. მივიღე მონაწილეობა “აგროწარმოების პროგრამაში”, სადაც 40%-ს გიფინანსებს სახელმწიფო, მაგრამ ეს ვრცელდება მხოლოდ სანერგე მასალაზე და წვეთოვანი სისტემის მოწყობაზე. მოვამზადეთ ნიადაგი, სანამ გადავიტანდით ნერგს.

მაცვალს ძალიან ბევრი სასარგებლო თვისება აქვს და შესაბამისად, დიდი გამოყენებაც სხვადასხვა წარმოებაში. ევროპელების ყოველდღიურ რაციონშია ჩასმული.

სახელმწიფოც, გარკვეულწილად იცავს კენკრის მწარმოებელ ფერმერებს, და ათავისუფლებს საბაჟო გადასახადებისგან როდესაც საქსპორტოდ გაგაქვს.

- შემდგომში რა ფორმით აპირებთ რეალიზებას?

—არსებობს შოკური გაყინვის მეთოდები და მაცივრები. საკმაოდ ძვირია, ფასიც მოცულობის შესაბამისად. ჩემი მეგობრები, რომლებსაც უოლო მოყავთ, არ ყიდნიან იმავე წელს, ყინავენ და როდესაც საბაზრო ფასი იწვეს, ზამთარში მიაქვთ საზღვარგარეთ.

- სულ რამდენი ძირი გაქვთ დარგული?

—დავრგეთ 1800 ძირი, საცალო ფასი 2 ლარი იყო, საიდანაც 40%-ის ვალები უნდა ყიდულიყო, გავაკეთეთ წვეთოვანი სისტემა, რომლის ფასიც 5000 ლარამდე იყო.

- ახლა რა ეტაპზე ხართ?

—ამ ეტაპზე ორჯერ ჩავუტარეთ კულტივაცია მოტობლოკით, ხელით გავათოხინეთ, შეწამლვას არ საჭიროებს, თან მინდა, იყოს ბიოპროდუქტი, რომ მომხმარებელამდე აბსოლუტურად ჯანმრთელი პროდუქტი მივიღოს.

თ. ჯავახიშვილი



გუბერნატორი სტიქიის შედეგების სალიკვიდაციო სამუშაოებს გაეცნო

ხაშურის მუნიციპალიტეტის გამგებელმა გიორგი გურასაშვილმა შიდა ქართლის მხარეში სახელმწიფო რწმუნებულ-გუბერნატორ კახა სამხარაძეს და სამხარეო ადმინისტრაციის წარმომადგენლებს, მიმდინარე წლის 10 ივნისს მუნიციპალიტეტში მომხდარი სტიქიის შედეგების სალიკვიდაციო სამუშაოები



გაეცნო. ხელისუფლების წარმომადგენლები დაბა სურამში და დაბა ქვიშეთში იმყოფებოდნენ, სადაც მთავრობის მიერ გამოყოფილი თანხებით ხიდების, გზების და ნაპირსამაგრი კედლების მოწყობის ღონისძიებები ინტენსიურად მიმდინარეობს.

გამგებელმა და გუბერნატორმა დაბა ქვიშეთში დიმიტრი ყიფიანის სახლ-მუზეუმის რეაბილიტაციის სამუშაოებიც დაათვალიერეს. პროექტი, რომლის ღირებულებაც 887 000 ლარია, ადგილობრივი ბიუჯეტისა და რეგიონებში განსახორციელებელი პროექტების ფონდის თანადაფინანსებით ხორციელდება. პროექტი სტანდარტების სრული დაცვით მიმდინარეობს და უმნიშვნელოვანესია კულტურული მემკვიდრეობის დაცვისა და ტურიზმის ხელშეწყობის



თვალსაზრისით. ქართველი საზოგადო მოღვაწის, პუბლიცისტის, ლიტერატორისა და მთარგმნელის, ეროვნულ-განმათავისუფლებელი მოძრაობის ერთ-ერთი ლიდერის რეაბილიტრებული სახლ-მუზეუმი, 2018 წლისთვის უკვე შეძლებს დამთავალიერებლის მიღებას და იმ 900-მდე ექსპონატის, დოკუმენტის თუ ფოტომატილის უკეთ წარმოჩენას, რომლებიც მუზეუმშია დაცული. ხელისუფლების წარმომადგენლებმა მუნიციპალიტეტის განვითარების გეგმებსა და სამომავლო სტრატეგიაზეც იმსჯელეს.

ინფრასტრუქტურული პროექტები გეგმის მიხედვით ხორციელდება

ხაშურის მუნიციპალიტეტის გამგებელმა გიორგი გურასაშვილმა, გამგეობის ეკონომიკური განვითარების სამსახურის წარმომადგენლებთან ერთად, მუნიციპალიტეტში მიმდინარე ინფრასტრუქტურული პროექტები დაათვალიერა.



ქალაქ ხაშურში, გაგარინის ქუჩაზე, ახლად მოწყობილი სტადიონის მიმდებარე ტერიტორიაზე სკვერი მოეწყობა. პროექტის განსახორციელებლად ადგილობრივი ბიუჯეტიდან 89 248 ლარია გამოყოფილი. სამუშაოები ოქტომბრის ბოლოს დასრულდება და გართობისა და დასვენებისთვის ქალაქს კიდევ ერთი სივრცე შეემატება. დაბა სურამში, ცენტრალურ სტადიონზე, გასახდელეების მოწყობის სამუშაოებისთვის ადგილობრივი ბიუჯეტიდან 43 483 ლარი გამოიყო. პროექტი ინტენსიურად მიმდინარეობს. იგი უახლოეს ხანებში დასრულდება და ხელს შეუწყობს პროფესიული სპორტის განვითარებას. ასევე ინტენსიურად მიმდინარეობს, დაბა სურამში, 26 მაისის ქუჩაზე, სტიქიის

დროს დაზიანებული კედლების მოწყობის სამუშაოები. აღნიშნულისთვის 136 994 ლარია გამოყოფილი. პროექტი წლის ბოლომდე გაგრძელდება და შესაძლო სტიქიის პრევენციისთვის მნიშვნელოვან ღონისძიებას წარმოადგენს. 26 მაისის ქუჩის მოსახლეობის წარმომადგენლების განცხადებით, სამუშაოები ხარისხიანად და მუყაითად სრულდება, რისთვისაც მათ გამგებელსა და მშენებლებს მადლობა გადაუხადეს.

ხაშურის მუნიციპალიტეტის გამგებელმა უკვე დასრულებული პროექტებიც დაათვალიერა. კერძოდ, დაბა სურამში, ჩუმათელეთის დასახლებაში რეაბილიტირებული მინისტადიონი და სოფელ ხცისში მოწყობილი მინისტადიონი. აღნიშნული პროექტების ღირებულებამ ჯამში 92 783 ლარი შეადგინა.

ადგილობრივმა ბიუჯეტმა დააფინანსა დაბა სურამში, იტრიის დასახლებაში მინისტადიონის რეაბილიტაცია. პროექტმა 28 655 ლარი შეადგინა. სტადიონების მშენებლობა - რეაბილიტაცია მუნიციპალიტეტის გამგეობის პრიორიტეტს წარმოადგენს, რადგან ხელს უწყობს ცხოვრების ჯანსაღი წესის პოპულარიზაციას და დამკვიდრებას.



ალოობა მარმატებით ჩაიბარა

ალოობა-2017 წარმატებით დასრულდა. კამპანია, რომელიც 15 ივლისს დაიწყო, თითქმის ერთი თვე გაგრძელდა. ჩვენი ქვეყნის სხვა რეგიონებისაგან განსხვავებით, მოგესხენებათ, ხაშურის მუნიციპალიტეტში ეს პროცესი შედარებით გვიან იწყება. ეს, ერთის მხრივ, კარგიცაა, რადგან გამოთავისუფლებულ ტექნიკას „მსხვილი დატვირთვები“ ეხსნება და, ასე ვთქვათ, ადვილად ხელმისაწვდომი ხდება. როგორც ჩვენთან საუბარში სოფლის მეურნეობის სამინისტროს ხაშურის საინფორმაციო-საკონსულტაციო სამსახურის უფროსმა ჯემალ გელაშვილმა განაცხადა, ალოობისათვის მზადება გაზაფხულიდანვე დაიწყო და ყველაფერი გეგმა-გრაფიკის მიხედვით წარიმართა. ეს გრაფიკი თითოეული ადმინისტრაციული ერთეულის მიხედვით იყო შედგენილი და აბსოლუტურად ითვალისწინებდა ყველა მათ მოთხოვნას და დროს. ალოობაში 24 კომპანიი იღებდა მონაწილეობას, საიდანაც 12 შპს „მეკანიზატორის“, ხოლო დანარჩენი კერძო მფლობელები-სა იყო. მთლიანად მუნიციპალიტეტში ხორბალი 2730 ჰექტარზე იქნა აღებული, ქერი - 600 ჰექტარზე, შვრია კი - 900 ჰექტარზე. სულ კი მოსავლის რაოდენობამ ხორბალზე 6 ათასი ტონა, ქერზე კი 900 ტონაზე მეტი შეადგინა. სამწუხაროდ, მკაცრმა ზამთარმა და არახელსაყრელმა ამინდებმა დიდი გავლენა იქონია მოსავალზე და მოსავლის საშუალო რაოდენობა თითქმის განახევრდა. სტატისტიკა კი ჰექტარზე გათვალისწინებით ასეთია: ხორბალი 2,2 ტონა, ქერი - 1,6 ტონა, შვრია, როგორც საგაზაფხულო კულტურა, უფრო უხვმოსავლიანი გამოდგა და უმეტესწილად მსხვილფეხა რქოსანი პირუტყვის საკვებ კულტურად იქნა აღებული თივის სახით. აღსანიშნავია, რომ მისი ხარისხი ძალიან მაღალი იყო.

დღეისათვის ტექნიკა მზადაა, გაწერილია გეგმა-გრაფიკი და უახლოეს დღეებში საშემოდგომო ხვნები დაიწყება, - აღნიშნა საუბრის დასასრულს ჯემალ გელაშვილმა.



- ტრიუმფი ბულგარეთში -
ანსამბლი „ფრესკა“ საერთაშორისო
ივანტივალის ბრანზით დაბრუნდა

დღევანდელ ნომერში, ჩვენს ქალაქში მოქმედი პოპულარული და წარმატებული ქართული ცეკვის ანსამბლის „ფრესკა“ შესახებ ვიამბობთ, რომელიც ხაშურს ტრიუმფით დაუბრუნდა. ანსამბლმა, ბულგარეთში გამართულ საერთაშორისო ფესტივალზე გრანპრი მოიპოვა, რითაც კიდევ ერთხელ განამტკიცა ქართველების, როგორც უდიდესი კულტურის მქონე ერის სახელი, მათი უბადლო და უსაზღვრო ნიჭიერება, ეროვნული სულისკვეთება, სიყვარული და პატივისცემა მრავალსაუკუნოვანი ტრადიციებისადმი.



პირველად არ ხდება, რომ „ფრესკა“, თავდაუზოგავი შრომით, საქართველოს სახელი ქვეყნის ფარგლებს გარეთ გააქვს, უპირველეს ყოვლისა კი, ჩვენი პატარა ქალაქის სახელი. ნამდვილად, შესაქები და დასაფასებელია მათი წვლილი ამ დიდებულ საქმეში. ქართული ცეკვა, როგორც ქართული კულტურის უნიკალური ფენომენი, თითოეული ქართველის გულსა, გონებასა თუ გენში ღრმად არის გაჯღენილი. იმიტომაცაა, რომ ყველა ქართველს, პატარაობიდანვე გულს უჩქროლებს, ქართული ცეკვის ტემპერამენტი, ხასიათი, უღვივდება საბრძოლო ჟინი, სამშობლოსათვის თავდადების გრძნობა. ზუსტად ასეთი პატრიოტი ემაწვილქალებით თუ ემაწვილკაცებით ივსება ჩვენი ანსამბლი „ფრესკა“, რომელიც ყოველ ჯერზე ახალ-ახალ მწვერვალებს იპყრობს.

„ხაშურის მოამბე“ ანსამბლის უნიჭიერეს და ქარიზმატულ ხელმძღვანელს, შესანიშნავ ქორეოგრაფს, ელენე რატიანს ესაუბრა.

- ქალბატონო ელენე, მოგიყევით იმ წარმატებაზე, რომელიც ბულგარეთში მიღწიეთ?

- 3 აგვისტოს, გავემზავრეთ ბულგარეთის ქალაქ ნესებრში, ნაციონალური ცეკვების საერთაშორისო ფესტივალზე, სახელწოდებით „ფოლკარტი“. მონაწილეობას იღებდნენ სახადასხვა ქვეყნების ფულკლორული ანსამბლები: სერბეთის, ბულგარეთის, მოლდოვის, რუმინეთის, უკრაინის, ბელორუსიის და მათ შორის ჩვენც – ანსამბლი „ფრესკა“ ხაშურიდან. ფესტივალისათვის ორი დღე იყო განკუთვნილი. მიუხედავად იმისა, რომ ბავშვები მგზავრობისაგან გადადღილები იყვნენ, მივიღეთ პირველი დღის კონკურსზე მონაწილეობა და საკმაოდ წარმატებულადაც, საუკეთესოდ გავრთვეს ბავშვებმა თავი დაკისრებულ მოვალეობას. ფესტივალზე ორი ცეკვით წარვსდგეთ: კაკასიურით და მთიულურით, გაკეთებული გეჭონდა კომპოზიცია და სწორედ კომპოზიციის საუკეთესოდ წარმოჩენისათვის დაგვაჯილდოვეს გრანპრით – ქორეოგრაფიული ცეკვის საუკეთესოდ დადგმისათვის. აქვე აღვინიშნავ, რომ ბულგარეთში ჩვენი ანსამბლი მთორედ იმყოფებოდა, თუმცა, მაშინ ბავშვთა ქორეოგრაფიული ანსამბლი მყავდა წაყვანილი. პირველ ჯერზეც შინ გრანპრით დავბრუნდით.



- ვისი ეგიდით გაემგზავრა ანსამბლი ბულგარეთში, დაფინანსება თუ გჭონდათ ქვეყნის საზღვრებს გარეთ კონკურსში მონაწილეობისათვის?

- ჩვენს გამგზავრებას ბულგარეთში წინ უძღვოდა კონკურსი, რომელიც თბილისის მერიის კულტურის სამსახურის ეგიდით ჩატარდა, უამრავ მონაწილეს შორის აირჩია სამი ანსამბლი: ორი თბილისიდან, ერთიც – ჩვენ, ხაშურიდან. „ფრესკა“ გაემგზავრა ბულგარეთში, თბილისის ანსამბლები კი – საბერძნეთში. რაც შეეხება დაფინანსებას, მისი და საკმაოდ წარმატებულადაც, საუკეთესოდ გავრთვეს ბავშვებმა თავი დაკისრებულ მოვალეობას. ფესტივალზე ორი ცეკვით წარვსდგეთ: კაკასიურით და მთიულურით, გაკეთებული გეჭონდა კომპოზიცია და სწორედ კომპოზიციის საუკეთესოდ წარმოჩენისათვის დაგვაჯილდოვეს გრანპრით – ქორეოგრაფიული ცეკვის საუკეთესოდ დადგმისათვის. აქვე აღვინიშნავ, რომ ბულგარეთში ჩვენი ანსამბლი მთორედ იმყოფებოდა, თუმცა, მაშინ ბავშვთა ქორეოგრაფიული ანსამბლი მყავდა წაყვანილი. პირველ ჯერზეც შინ გრანპრით დავბრუნდით.

- ვისი ეგიდით გაემგზავრა ანსამბლი ბულგარეთში, დაფინანსება თუ გჭონდათ ქვეყნის საზღვრებს გარეთ კონკურსში მონაწილეობისათვის?

- ჩვენს გამგზავრებას ბულგარეთში წინ უძღვოდა კონკურსი, რომელიც თბილისის მერიის კულტურის სამსახურის ეგიდით ჩატარდა, უამრავ მონაწილეს შორის აირჩია სამი ანსამბლი: ორი თბილისიდან, ერთიც – ჩვენ, ხაშურიდან. „ფრესკა“ გაემგზავრა ბულგარეთში, თბილისის ანსამბლები კი – საბერძნეთში. რაც შეეხება დაფინანსებას, მისი და საკმაოდ წარმატებულადაც, საუკეთესოდ გავრთვეს ბავშვებმა თავი დაკისრებულ მოვალეობას. ფესტივალზე ორი ცეკვით წარვსდგეთ: კაკასიურით და მთიულურით, გაკეთებული გეჭონდა კომპოზიცია და სწორედ კომპოზიციის საუკეთესოდ წარმოჩენისათვის დაგვაჯილდოვეს გრანპრით – ქორეოგრაფიული ცეკვის საუკეთესოდ დადგმისათვის. აქვე აღვინიშნავ, რომ ბულგარეთში ჩვენი ანსამბლი მთორედ იმყოფებოდა, თუმცა, მაშინ ბავშვთა ქორეოგრაფიული ანსამბლი მყავდა წაყვანილი. პირველ ჯერზეც შინ გრანპრით დავბრუნდით.

ბას, მოხდა ნაწილობრივ. კონკურსში მონაწილეობა უნდა მიეღო 30 ბავშვს, თბილისის მერიის კულტურის სამსახურმა დააფინანსა მხოლოდ 10 ბავშვის ხარჯები, თუმცა, მხოლოდ ამ რაოდენობით ვერ გავემზავრებოდით, ამიტომ, დანარჩენი 20 ბავშვის ხარჯები, მშობლებმა აანაზღაურეს. თანადაფინანსებისთვის დიდ მადლობას ვუხდით თბილისის მერიის კულტურის სამსახურს, მათივე უზრუნველყოფით მოხდა ჩვენი გამგზავრება, გამგვეყო ავტობუსიც. აღვიღებ ჩასულებს დაგხვდა შესანიშნავი სასტუმრო, სრული კომფორტი იყო შექმნილი ბავშვებისათვის. ყოველ საღამოს იმართებოდა სახალისო შეჯიბრებები, ბავშვები საკუთარ ნაციონალურ ცეკვებს ცვლიდნენ ერთმანეთში. ვფიქრობ, თითოეული მათგანი კმაყოფილი დაბრუნდა შინ, თუ დაგამატებთ იმას, რომ გრანპრით მოვიპოვეთ. აქვე დავამატებ, რომ ბულგარეთში წინასწარ გავეზავნე ანსამბლის მონაცემები, კონკურსის მესვეურებმა ჩათვალეს, რომ ჩემი ბავშვები თავისუფლად შეძლებდნენ კონკურსზე ასპარეზობას, გამომდინარე იქიდან, რომ ფესტივალი ზრდასრული მონაწილეებით იყო დაკომპლექტებული. ძალიან დიდ სიყვარულს და პატივისცემას ვგრძნობდით მათი მხრიდან. სიხარულით გვთხოვდნენ, რომ ქართული ცეკვის მორაობები და იღეთები გვესწავლებინა მათთვის, როგორც ეს ლატვიაში ვიზიტის დროს მოხდა - ლატვიის სახელმწიფო ანსამბლის მოცეკვავეებს ჩავუტარეთ მასტერკლასი.

- როგორც ჩვენთვის ცნობილია, „ფრესკა“ სხვადასხვა დროს, არაერთი ჯილდო და წარმატება ხვდა წილად, მოგიყევით ჩვენს მკითხველსაც ამის შესახებ...

- მრავალი წელია ანსამბლი ქობულეთში მიემგზავრება ფესტივალზე, საიდანაც, ყოველთვის პირველი ადგილი ჩამოგვაქვს. იქ ქართული ცეკვის კორიფეებთან გვიწვეს ჩვენი ცეკვის წარმონეხა, რაც თავის მხრივ დიდი პასუხისმგებლობაა. უდიდესი გულიწყურითა და მონღოებით ვკვიდებით ჩვენ საქმეს, როდესაც ქვეყნის შიგნით გვიწვეს



გამოსვლა. საზღვარგარეთ ქართული თითქმის ყველაფერი მოსწონთ, განსაკუთრებით კი ნაციონალური ცეკვები. აქ კი კრიტიკული მიყურებელია, ვერაფერს გამოაპარებ, უმნიშვნელო შეცდომაც კი უპატიებელია. ქობულეთის კონკურსი, როგორც ქორეოგრაფს და შემოქმედს, პროფესიულად მზრდის, მე თუ არ დავინახე იქ კოლექტივები როგორ მუშაობენ, ერთ დონეზე შეგნერდები და შევწყვეტ განვითარებას. ასევე, საბერძნეთში ვიყავით ფესტივალზე, სადაც აშშ-ს და კუბის მონაწილეებთან გვიწვედა საინტერესო ასპარეზობა, ლატვიაში გახლდით ბაუსკაში, დაგვაფინანსა მუნიციპალიტეტის გამგეობამ, 20 ბავშვი წავიყვანე და ჩინებულად იცეკვეს. ბაუსკის სახელმწიფო ანსამბლის იუბილზე ვიყავით მიწვეულნი. როდესაც ლატვიელები ხაშურქალაქობაზე იყვენ ჩამოსულები, ნახეს ჩვენი ანსამბლის გამოსვლა, მოეწონათ და მოწვევაც გაგვიკეთეს.

- მრავალი წელია ანსამბლი „ფრესკა“ წარმატებით მოღვაწეობს ჩვენს ქალაქში, რა პრინციპებს ეურდნობთ ხელმძღვანელობისას?

- ძალიან მომთხოვნი ადამიანი ვარ ჩემ პროფესიაში, გაუჩერებლად ვშრომობ, ვქმნი ახალს. ვაკეთებ ყოველთვის მაქსიმუმს და ბავშვებისაგანაც მაქსიმუმს ვითხოვ, მაქსიმალურად ვტვირთავ მათ.

ყოველთვის ვთავაზობ ახალ-ახალ დადგმებს და ისინიც, შესაბამისად, ინტერესდებიან. უახლოეს მომავალშიც ვგეგმავ ახალი ცეკვის დადგმას, პროფესიაც შესაბამისი მაქვს, ქართული ხალხური ცეკვების დამდგმელი ქორეოგრაფი. მართალაც ასეა, მრავალი წელია ჩვენ ამ დონეზე საქმეს ვეკიდებით. ანსამბლი 1989 წელს შეიქმნა, ამჟამად კი წვერთა რაოდენობამ ასს გადააჭარბა. აღსანიშნავია, რომ „ფრესკა“ ერთადერთი ანსამბლია საქართველოში, რომელიც ასეთი მრავალრიცხოვნობით გამოირჩევა. ვისარგებლებ შემთხვევით და მადლობას ვუწვევ ჩემ ვაჟს, გიორგის, უნიჭიერეს, პროფესიონალ მოცეკვავეს, ყოველთვის გვერდში მიდგას, მამხნევეს და მეხმარება. სამომავლოდ, ვგეგმავ დედის იუბილესადმი მიძღვნილ კონცერტს, დიდი ხანია ამ დღისთვის ვემზადები, ვიმედოვნებ, სრულყოფილი გამოვა.



თ. ახალკაცი

საქართველოს პედაგოგთა და მეცნიერთა თავისუფალი პროფკავშირის ხაშურის რაიონული ორგანიზაცია თანაუგრძნობს მე-7 საბავშვო ბაღის მენეჯერს ლიანა საბანაძეს მეუღლის გოგი საბანაძის გარდაცვალების გამო. D

D იყიდება სახლი
 სასწრაფოდ იყიდება ორსართულიანი სახლი სოფელ ბეკაში 1720 მ2 ფართობი ხეხილიანი ეზოთი. გაზი, წყალი შეყვანილია.
 ტელ: 555 95 109 59. 574 01 90 23.

ა(ა)იპ ხაშურის მუნიციპალიტეტის გაზეთი „ხაშურის მოამბე“. დირექტორი გიორგი გოგალაძე, მისამართი: ხაშური, ტაბიძის ქუჩა №2. ტელეფონი: 24 30 27.
E-mail Khashurismoambe2015@gmail.com მიმღების დასახელება: ხაზინის ერთიანი ანგარიში, საიდენტიფიკაციო კოდი 443860984, სახელმწიფო ხაზინა TRESGE22, სახაზინო კოდი: 749547499.
D-ით მონიშნული სტატია იბეჭდება დაკვეთით გაზეთი იბეჭდება თბილისში. რედაქტორი რობერტ სუხიაშვილი.